

Oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut inatsisartut peqqussutaat

§ 1. Kalaalit Nunaanni Peqqinnissamik isumaginnittoqarfiup Siulersuisusa isumaqatigiissuteqarfiginerat naapertorlugu Kalaallit Nunaanni kommunini oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut malittarisassat peqqusummi matumani aalajangersarneqarput.

§ 2. Kommunalbestyrelsip kommunimi oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut ileqqoreqqusaliornissaq 1. april 1984 tikitsinnagu isumagissavaa.
Imm. 2. Ileqqoreqqusaq Isumaginninnermi Naalakkersuisumit akuerineqaqqaartussaavoq, taannalu oqartussaasoqarfiit assigiinngitsunik suleqatigiinnissaannik siunertaq ileqqoreqqusami naammattumik anguniarneqanngitsutut isigiguniuk allangortinneqarnissaanik piumasaqarnissaminut piginnaatitaavoq.

§ 3. Oqartussaasoqarfiit assigiinngitsunik suliallit suleqatigiinnissaanni minnerpaamik piumasarineqarpoq najukkami peqqinnissamik isumaginnittoqarfiup, meeqqat atuarfiata kiisalu isumaginninnermik ingerlatsiviup sinnisaasa aalajangersimasumik ataatsimeeqatigiittarnissaat malittarisassaqaqtinnejqassasoq.

Imm. 2. Ammattaaq pinerluttaalisitsut, pinerluuteqarsimasunik isumaginnittoqarfik kiisalu suliffissarsiuussisarfik suleqatigiinnermi peqataatinnejqarsinnaapput.

§ 4. Oqartussaasoqarfiit assigiinngitsunik suliallit suleqatigiinnissaanni siunertarineqarpoq oqartussaasoqarfiit meeqqat iniusuttulu, innarlutillit kiisalu inuit atugarisamikkut inuutissarsiornikkullu ajornartorsiutillit pillugit suliassat sularinerini paassisutissanik isummanillu tunioraannermikkut aalajangiiniarnerminnut pitsaanerusumik tunngavissaqlissasut, aammalu oqartussaasoqarfit ataasiakkat suliniutaat ataqtigiissarneqassasut.

§ 5. Attaveqaatitut ataatsimiitiat imaluunniit suleqatigiiffit sanilliunneqarsinnaasut allat peqqussut manna naapertorlugu pilersinneqartut oqartussaasoqarfiit suleqatigiinnermi peqataasut sinnerlugit namminerisaminnik aalajangiisinnassusilerneqarsinnaanngillat.

§ 6. Kommunimi isumaginninnermut allaffik suleqatigiinnut pilersinneqartunut allattoqarfuiunissaminut pisussaavoq.

§ 7. Isumaginninnermi Naalakkersuisoq oqartussaasoqarfíit assigiinnngitsunik suliallit suleqatigiinnerat pillugu najoqqtassianik malittarisassiorsinnaavoq.

§ 8. Peqqussut manna atulerpoq 1. januar 1983.

Kalaallit Nunaanni Namminersornerullutik Oqartussat, 1. november 1982

Jonathan Motzfeldt

/

Moses Olsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut